

**«Կովկասի ինստիտուտ»  
հիմնադրամ**

**Ֆինանսական հաշվետվություններ  
2019թ. դեկտեմբերի 31-ին  
ավարտված տարվա համար**

## **Բովանդակություն**

|  |    |
|--|----|
| Անկախ աուդիտորական եզրակացություն  | 3  |
| Ֆինանսական վիճակի մասին հաշվետվություն   | 6  |
| Շահույթի կամ վնասի և այլ համապարփակ ֆինանսական արդյունքների մասին հաշվետվություն | 7  |
| Սեփական կապիտալում փոփոխությունների մասին հաշվետվություն                         | 8  |
| Դրամական միջոցների հոսքերի մասին հաշվետվություն                                  | 9  |
| Ֆինանսական հաշվետվություններին կից ծանոթագրություններ                            | 10 |

## Անկախ աուդիտորական եզրակացություն

«Կովկասի ինստիտուտ» հիմնադրամի հոգաբարձուների խորհրդին

### *Վերապահումով կարծիք*

Մենք իրականացրել ենք «Կովկասի ինստիտուտ» հիմնադրամի (այսուհետ՝ «Կազմակերպություն») ֆինանսական հաշվետվությունների աուդիտը, որոնք ներառում են ֆինանսական վիճակի մասին հաշվետվությունը 2019թ. դեկտեմբերի 31-ի դրությամբ, հաշվետու տարվա շահույթի կամ վնասի և այլ համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ծանոթագրությունները, որոնք ներառում են հաշվապահական հաշվառման քաղաքականության հիմնական դրույթները և այլ բացատրական տեղեկատվություն:

Մեր կարծիքով, բացառությամբ այն ուղղումների ազդեցությունից, եթե կլինեին այդպիսիք, որոնք կարող էին անհրաժեշտ համարվել, եթե մենք կարողանայինք ձեռք բերել բավականաչափ համապատասխան աուդիտորական ապացույց *«Վերապահումով կարծիք արտահայտելու հիմքեր»* բաժնի առաջին պարագրաֆում նկարագրվածի վերաբերյալ, և այն հարցի ազդեցության, որը նկարագրված է նույն բաժնի երկրորդ պարագրաֆում, կից ներկայացվող ֆինանսական հաշվետվությունները, բոլոր էական առումներով, ճշմարիտ են ներկայացնում Կազմակերպության ֆինանսական վիճակը առ 31-ը դեկտեմբերի 2019թ., ինչպես նաև նրա գործունեության արդյունքներն ու դրամական միջոցների հոսքերը հաշվետու տարվա համար՝ ՀՀ կառավարության կողմից սահմանված կարգով հրապարակված ֆինանսական հաշվետվությունների միջազգային ստանդարտների (ՖՀՄՍ) համաձայն:

### *Վերապահումով կարծիք արտահայտելու հիմքեր*

Ինչպես նկարագրված է ծանոթագրություն 10(բ)-ում, Կազմակերպության 2019թ. դեկտեմբերի 31-ի դրությամբ հիմնական միջոցների գրքեր դասում 9 հազար դրամ (2018թ.՝ 50 հազար դրամ) հաշվեկշռային արժեքով և արտահաշվեկշռում 5,118 հազար դրամ գումարով (2018թ.՝ 5,118 հազար դրամ) հաշվառվող գրքերի ֆիզիկապես գույքագրումը հնարավոր չէ իրականացնել դրանց վերաբերյալ պատշաճ հաշվապահական գրանցումների բացակայության պատճառով: Ի լրումն, արտահաշվեկշռում հաշվառվող տարիների ընթացքում անհատույց ստացված գրքերը չեն ճանաչվել որպես հիմնական միջոց և չեն չափվել իրական արժեքով՝ համաձայն ՀՀՄՍ 16 *«Հիմնական միջոցներ»* և ՖՀՄՍ 15 *«Հասույթ գնորդների հետ պայմանագրերից»* ստանդարտների: Այլ աուդիտորական ընթացակարգերի միջոցով հնարավոր չեղավ բավարար աուդիտորական ապացույցներ ձեռք բերել 2019թ. և 2018թ. դեկտեմբերի 31-ի դրությամբ նշված հիմնական միջոցների ֆիզիկապես առկա քանակության վերաբերյալ և որոշել նշված անհամապատասխանության ազդեցությունը 2019թ. և 2018թ. դեկտեմբերի 31-ի դրությամբ Կազմակերպության ֆինանսական հաշվետվություններում արտացոլված հիմնական միջոցների, ակտիվներին վերաբերող շնորհների հաշվեկշռային արժեքի, տարվա շահույթի և չբաշխված շահույթի վրա:

Ինչպես նկարագրված է ծանոթագրություն 10(գ)-ում, 2019թ. դեկտեմբերի 31-ին ավարտվող տարվա ընթացքում Կազմակերպությունը չի իրականացրել 10,492 հազար դրամ հաշվեկշռային արժեքով (2018թ.՝ 8,547 հազար դրամ) հաշվառվող հիմնական միջոցների գործառնական արդյունավետության վերանայումը, ինչպես պահանջվում է ՀՀՄՍ 16 *«Հիմնական միջոցներ»* ստանդարտով: Նշված անհամապատասխանության ազդեցությունը 2019թ. և 2018թ. դեկտեմբերի 31-ի դրությամբ

Կազմակերպության ֆինանսական հաշվետվություններում արտացոլված հիմնական միջոցների, ակտիվներին վերաբերող շնորհների հաշվեկշռային արժեքի, տարվա մաշվածության, տարվա շահույթի և չբաշխված շահույթի վրա չի որոշել:

Մենք աուդիտն իրականացրել ենք Աուդիտի միջազգային ստանդարտներին (ԱՄՍ) համապատասխան: Նշված ստանդարտներով նախատեսված մեր պարտականությունները ներկայացված են մեր եզրակացության «*Աուդիտորի պատասխանատվությունը ֆինանսական հաշվետվությունների աուդիտի համար*» բաժնում: Մենք անկախ ենք Կազմակերպությունից՝ համաձայն Հաշվապահների վարքագծի միջազգային ստանդարտների խորհրդի Պրոֆեսիոնալ հաշվապահների վարքագրի (ՀՎՄՍԽ Վարքագիրք) և Հայաստանի Հանրապետությունում ֆինանսական հաշվետվությունների աուդիտի նկատմամբ կիրառելի վարքագծի պահանջների, և մենք կատարել ենք վարքագծին վերաբերող մեր այլ պարտականություններն այս պահանջներին և ՀՎՄՍԽ Վարքագրին համապատասխան: Մենք գտնում ենք, որ ձեռք բերված աուդիտորական ապացույցները բավականաչափ են և համապատասխան՝ մեր աուդիտորական եզրակացության հիմք հանդիսանալու համար:

*Ղեկավարության և Խորհրդի պատասխանատվությունը ֆինանսական հաշվետվությունների համար*

Ղեկավարությունը պատասխանատու է ՖՀՄՍ համաձայն ֆինանսական հաշվետվությունների կազմման և ճշմարիտ ներկայացման, ինչպես նաև այնպիսի ներքին վերահսկողության համակարգի համար՝ որը համարում է անհրաժեշտ սխալի կամ խարդախության արդյունքում առաջացող էական խեղաթյուրումներից զերծ ֆինանսական հաշվետվություններ պատրաստելու համար:

Ֆինանսական հաշվետվությունները պատրաստելիս ղեկավարությունը պետք է իրականացնի Կազմակերպության անընդհատ գործելու կարողության գնահատում, բացահայտելով, կիրառելի լինելու դեպքում, անընդհատությանը վերաբերող հարցերը և կիրառելով անընդհատության հիմունքով հաշվառումը, բացառությամբ այն դեպքերի, երբ ղեկավարությունը մտադիր է կամ լուծարել Կազմակերպությունը կամ դադարեցնել վերջինիս գործունեությունը, կամ չունի դրանից խուսափելու իրատեսական այլընտրանք:

Խորհուրդը պատասխանատու է վերահսկել Կազմակերպության ֆինանսական հաշվետվությունների պատրաստման գործընթացը:

*Աուդիտորի պատասխանատվությունը ֆինանսական հաշվետվությունների աուդիտի համար*

Մեր նպատակն է ձեռք բերել ողջամիտ երաշխիք առ այն, որ ֆինանսական հաշվետվություններն, ամբողջությամբ վերցված, զերծ են սխալի կամ խարդախության պատճառով առաջացած էական խեղաթյուրումներից և ներկայացնել մեր կարծիքը ներառող աուդիտորական եզրակացություն: Ողջամիտ երաշխիքը հավաստիացման բարձր աստիճան է, սակայն այն չի երաշխավորում, որ ԱՄՍ-ների համաձայն աուդիտի իրականացման ընթացքում միշտ հնարավոր կլինի հայտնաբերել էական խեղաթյուրումը՝ վերջինիս առկայության դեպքում: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե կարելի է պատճառաբանված կերպով ակնկալել՝ որ, առանձին կամ միասին վերցված՝ ազդեցություն կունենան այս ֆինանսական հաշվետվությունների հիման վրա օգտագործողների կողմից կայացվող տնտեսական որոշումների վրա:

Որպես ԱՄՍ-ների համաձայն իրականացվող աուդիտի մաս՝ մենք կիրառում ենք մասնագիտական դատողություն և պահպանում ենք մասնագիտական կասկածամտություն աուդիտի ընթացքում: Մենք նաև՝

- հայտնաբերում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, մշակում և իրականացնում ենք միջոցառումներ, որոնք նպաստում են ռիսկերին անոտոստաճող...

ապացույցներ, որոնք բավականաչափ են և համապատասխան՝ մեր աուդիտորական եզրակացության հիմք հանդիսանալու համար: Խարդախության հետևանքով առաջացած էական խեղաթյուրումը չհայտնաբերելու ռիսկն ավելի մեծ է, քան սխալի հետևանքով առաջացած էական խեղաթյուրումը չհայտնաբերելու ռիսկը, քանի որ խարդախությունը կարող է ներառել գաղտնի համաձայնություն, կեղծիք, միտումնավոր բացթողումներ, խեղաթյուրումներ կամ ներքին վերահսկողության համակարգի շրջանցում:

- պատկերացում ենք կազմում աուդիտին վերաբերող ներքին վերահսկողության համակարգի վերաբերյալ՝ տվյալ հանգամանքներում տեղին աուդիտորական ընացակարգեր մշակելու, բայց ոչ Կազմակերպության ներքին վերահսկողության համակարգի արդյունավետության վերաբերյալ կարծիք արտահայտելու նպատակով:
- գնահատում ենք կիրառվող հաշվապահական հաշվառման քաղաքականության տեղին լինելը և ղեկավարության կողմից կատարած հաշվապահական հաշվառման գնահատումների և հարակից բացահայտումների հիմնավորվածությունը:
- կատարում ենք եզրահանգում՝ ղեկավարության կողմից անընդհատության հիմունքով հաշվառում կիրառելու տեղին լինելու վերաբերյալ և, հիմք ընդունելով ձեռք բերված աուդիտորական ապացույցները, կատարում ենք հետևություն, թե արդյոք առկա է դեպքերի կամ հանգամանքների հետ կապված էական անորոշություն, որոնք կարող են լուրջ կասկածներ հարուցել Կազմակերպության անընդհատ գործելու կարողության վերաբերյալ: Եթե մենք եզրակացնենք, որ գոյություն ունի էական անորոշություն, մենք պետք է մեր աուդիտորական եզրակացությունում ուշադրություն հրավիրենք ֆինանսական հաշվետվությունների համապատասխան բացահայտումներին, կամ, այդ բացահայտումների ոչ համապատասխան լինելու դեպքում՝ ձևափոխենք մեր կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա դեպքերը կամ հանգամանքները կարող են հանգեցնել Կազմակերպության կողմից անընդհատության հիմունքով գործունեության իրականացման դադարեցմանը:
- գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ՝ բացահայտումները և գնահատում ենք, թե արդյոք ֆինանսական հաշվետվություններն արտացոլում են իրենց հիմքում ընկած գործառնություններն ու իրադարձությունները այնպիսի ձևով, որը թույլ է տալիս ապահովել ճշմարիտ ներկայացում:

Ի թիվս այլ հարցերի, մենք տեղեկացում ենք Խորհրդում ներգրավված անձանց աուդիտի պլանավորված շրջանակների և ժամկետների, աուդիտի ընթացքում առաջացած էական հարցերի, այդ թվում աուդիտի ընթացքում հայտնաբերված ներքին վերահսկողության համակարգի էական թերությունների մասին:

  
Արամ Հովհաննիսյան  
Գլխավոր տնօրեն և պատասխանատու աուդիտոր



«Էյ-Էմ-Էյ» Աուդիտ» ՓԲԸ  
15 մայիսի 2020թ.

| հազ. դրամ  | Ծնթգ. | 31 դեկտեմբերի<br>2019թ. | 31 դեկտեմբերի<br>2018թ. |
|--|-------|-------------------------|-------------------------|
| <b>ԱԿՏԻՎՆԵՐ</b>                                      |       |                         |                         |
| <b>Ոչ ընթացիկ ակտիվներ</b>                           |       |                         |                         |
| Հիմնական միջոցներ                                    | 10    | 62                      | 237                     |
| Օգտագործման իրավունքի ձևով ակտիվներ                  | 18    | 18,559                  | -                       |
| Ոչ նյութական ակտիվներ                                |       | 23                      | 43                      |
| <b>Ընդամենը ոչ ընթացիկ ակտիվներ</b>                  |       | <b>18,644</b>           | <b>280</b>              |
| <b>Ընթացիկ ակտիվներ</b>                              |       |                         |                         |
| Առևտրային և այլ դեբիտորական պարտքեր                  | 11    | -                       | 964                     |
| Կարճաժամկետ բանկային ավանդ                           |       | 21,194                  | -                       |
| Տրված կանխավճար                                      |       | 2,138                   | 1,299                   |
| Տրված կանխավճարներ շահութահարկի գծով                 |       | 298                     | -                       |
| Դրամական միջոցներ և դրանց համարժեքներ                | 12    | 35,020                  | 43,728                  |
| <b>Ընդամենը ընթացիկ ակտիվներ</b>                     |       | <b>58,650</b>           | <b>45,991</b>           |
| <b>Ընդամենը ակտիվներ</b>                             |       | <b>77,294</b>           | <b>46,271</b>           |
| <b>ՍԵՓԱԿԱՆ ԿԱԳԻՏԱԿ ԵՎ ՊԱՐՏԱՎՈՐՈՒԹՅՈՒՆՆԵՐ</b>         |       |                         |                         |
| <b>Սեփական կապիտալ</b>                               |       |                         |                         |
| Զբաղիված շահույթ                                     |       | 2,311                   | 4,187                   |
| <b>Ընդամենը սեփական կապիտալ</b>                      |       | <b>2,311</b>            | <b>4,187</b>            |
| <b>Ոչ ընթացիկ պարտավորություններ</b>                 |       |                         |                         |
| Ակտիվներին վերաբերող շնորհներ                        | 13    | 85                      | 280                     |
| Վարձակալության գծով պարտավորություններ               | 18    | 15,003                  | -                       |
| <b>Ընդամենը ոչ ընթացիկ պարտավորություններ</b>        |       | <b>15,088</b>           | <b>280</b>              |
| <b>Ընթացիկ պարտավորություններ</b>                    |       |                         |                         |
| Եկամուտներին վերաբերող շնորհներ                      | 14    | 45,445                  | 39,098                  |
| Առևտրային և այլ կրեդիտորական պարտքեր                 | 15    | 10,398                  | 266                     |
| Շահութահարկի գծով պարտավորություն                    |       | -                       | 1,040                   |
| Վարձակալության գծով պարտավորություններ               | 18    | 4,052                   | -                       |
| Պահուստներ   |       | -                       | 1,400                   |
| <b>Ընդամենը ընթացիկ պարտավորություններ</b>           |       | <b>59,895</b>           | <b>41,804</b>           |
| <b>Ընդամենը պարտավորություններ</b>                   |       | <b>74,983</b>           | <b>42,084</b>           |
| <b>Ընդամենը սեփական կապիտալ և պարտավորություններ</b> |       | <b>77,294</b>           | <b>46,271</b>           |

\* Կազմակերպությունը սկսել է կիրառել ՖՀՄՍ 16-ը 2019թ. հունվարի 1-ից՝ օգտագործելով փոփոխված հետընթաց մոտեցումը, որի համաձայն՝ համադրելի տեղկատվությունը չի վերահաշվարկվում և ՖՀՄՍ 16-ը սկզբնապես կիրառելու կուտակային հետևանքը ճանաչվում է չբաշխված շահույթում՝ սկզբնական կիրառման ամսաթվի դրությամբ (տես Ծանոթագրություն 5):

«Կովկասի ինստիտուտ» հիմնադրամ  
Շահույթի կամ վնասի և այլ համապարփակ ֆինանսական արդյունքների մասին հաշվետվություն  
2019թ. դեկտեմբերի 31-ին ավարտված տարվա համար

| հազ. դրամ  | Ծնթգ. | 2019թ.       | 2018թ.       |
|--|-------|--------------|--------------|
| <b>Հասույթ</b>   |       | -            | <b>8,197</b> |
| Գործառնական այլ եկամուտներ                               | 6     | 161,948      | 104,266      |
| Աշխատակազմի գծով ծախսեր                                  | 7     | (74,788)     | (65,931)     |
| Վարձակալության գծով վճարներ                              |       | -            | (9,833)      |
| Մաշվածություն և ամորտիզացիա                              | 10    | (5,454)      | (752)        |
| Գործառնական այլ ծախսեր                                   | 8     | (79,490)     | (31,823)     |
| Ֆինանսական եկամուտ                                       | 9     | 1,631        | 1,079        |
| Ֆինանսական ծախսեր  | 9     | (866)        | -            |
| <b>Շահույթ մինչև շահութահարկով հարկումը</b>              |       | <b>2,981</b> | <b>5,203</b> |
| Շահութահարկի գծով ծախս                                   |       | (326)        | (1,040)      |
| <b>Շահույթ և ընդամենը համապարփակ եկամուտ տարվա համար</b> |       | <b>2,655</b> | <b>4,163</b> |

\* Կազմակերպությունը սկսել է կիրառել ՖՀՄՍ 16-ը 2019թ. հունվարի 1-ից՝ օգտագործելով փոփոխված հետընթաց մոտեցումը, որի համաձայն՝ համադրելի տեղկատվությունը չի վերահաշվարկվում և ՖՀՄՍ 16-ը սկզբնապես կիրառելու կուտակային հետևանքը ճանաչվում է չբաշխված շահույթում սկզբնական կիրառման ամսաթվի դրությամբ (տես Ծանոթագրություն 5):

Ֆինանսական հաշվետվությունները հաստատվել են ղեկավարության կողմից 2020 թվականի մայիսի 15-ին և ստորագրվել են վերջինիս անունից:

  
 Ալեքսանդր Իսկանդարյան  
 Տնօրեն



  
 Օֆելյա Ներսեսյան  
 Գլխավոր հաշվապահ

| հազ. դրամ   | Զբաղիված<br>շահույթ | Ընդամենը     |
|---|---------------------|--------------|
| <b>Մնացորդը առ 1 հունվարի 2018թ.</b>  | 24                  | 24           |
| <b>Ընդամենը համապարփակ ֆինանսական արդյունք</b>  |                     |              |
| Տարվա շահույթ   | 4,163               | 4,163        |
| <b>Ընդամենը համապարփակ ֆինանսական արդյունք</b>  | <b>4,163</b>        | <b>4,163</b> |
| <b>Մնացորդը առ 31 դեկտեմբերի 2018թ.</b>   | <b>4,187</b>        | <b>4,187</b> |
| <b>Մնացորդը առ 1 հունվարի 2019թ. (մինչև<br/>վերաներկայացումը)</b>   | <b>4,187</b>        | <b>4,187</b> |
| Հաշվապահական հաշվառման քաղաքականության<br>փոփոխություն՝ ՖՀՄՍ 16-ը սկզբնապես կիրառելու<br>կուտակային ազդեցություն* | (346)               | (346)        |
| <b>Մնացորդը առ 1 հունվարի 2019թ. (վերաներկայացված)</b>  | <b>3,841</b>        | <b>3,841</b> |
| <b>Ընդամենը համապարփակ ֆինանսական արդյունք</b>  |                     |              |
| Տարվա շահույթ   | 2,655               | 2,655        |
| <b>Ընդամենը համապարփակ ֆինանսական արդյունք</b>  | <b>2,655</b>        | <b>2,655</b> |
| Զբաղիված շահույթի վերագրում կանոնադրական<br>նպատակներին՝ որպես եկամուտներին վերաբերող<br>շնորհների օգտագործում    | (4,185)             | (4,185)      |
| <b>Մնացորդը առ 31 դեկտեմբերի 2019թ.</b>   | <b>2,311</b>        | <b>2,311</b> |

\* Կազմակերպությունը սկսել է կիրառել ՖՀՄՍ 16-ը 2019թ. հունվարի 1-ից՝ օգտագործելով փոփոխված հետընթաց մոտեցումը, որի համաձայն՝ համադրելի տեղկատվությունը չի վերահաշվարկվում և ՖՀՄՍ 16-ը սկզբնապես կիրառելու կուտակային հետևանքը ճանաչվում է չբաղիված շահույթում՝ սկզբնական կիրառման ամսաթվի դրությամբ (տես Ծանոթագրություն 5):



| հազ. դրամ  | 2019թ.          | 2018թ.        |
|--|-----------------|---------------|
| <b>ԳՈՐԾԱՌՆԱԿԱՆ ԳՈՐԾՈՒՆԵՈՒԹՅՈՒՆ</b>   |                 |               |
| Ծառայությունների մատուցումից   | -               | 8,197         |
| Շնորհ ստացված դրամական միջոցներ  | 162,515         | 109,753       |
| Տրամադրված շնորհներ  | (46,251)        | -             |
| Պաշարների ձեռք բերում  | (1,005)         | -             |
| Վճարումներ ծառայությունների դիմաց  | (16,718)        | (32,078)      |
| Վճարումներ կրթաթոշակների գծով  | (2,274)         | (3,689)       |
| Վճարումներ աշխատակիցներին  | (53,944)        | (50,085)      |
| Հարկեր, բացառությամբ շահութահարկի  | (19,641)        | (15,737)      |
| Վճարված շահութահարկ  | (1,665)         | -             |
| Այլ ելքեր  | (3,187)         | (427)         |
| <b>Գործառնական գործունեությունից ստացված զուտ դրամական հոսքեր</b>                        | <b>17,830</b>   | <b>15,934</b> |
| <b>ՆԵՐԴՐՈՒՄԱՅԻՆ ԳՈՐԾՈՒՆԵՈՒԹՅՈՒՆ</b>  |                 |               |
| Բանկային ավանդի նվազում  | (20,000)        | -             |
| Ստացված տոկոսային եկամուտներ   | 437             | 227           |
| <b>Ներդրումային գործունեությունից ստացված դրամական միջոցների հոսքեր</b>                  | <b>(19,563)</b> | <b>227</b>    |
| <b>ՖԻՆԱՆՍԱՎՈՐՄԱՆ ԳՈՐԾՈՒՆԵՈՒԹՅՈՒՆ</b>   |                 |               |
| Վճարած տոկոսներ  | (759)           | -             |
| Վարձակալության գծով պարտավորությունների մարում   | (6,111)         | -             |
| <b>Ֆինանսավորման գործունեության համար օգտագործված զուտ դրամական հոսքեր</b>               | <b>(6,870)</b>  | <b>-</b>      |
| <b>Դրամական միջոցների և դրանց համարժեքների զուտ աճ</b>                                   | <b>(8,603)</b>  | <b>16,161</b> |
| Դրամական միջոցները և դրանց համարժեքները տարեսկզբի դրությամբ                              | 43,728          | 26,716        |
| Արտարժույթի փոխարժեքի փոփոխման ազդեցությունը դրամական միջոցների և դրանց համարժեքների վրա | (105)           | 851           |
| <b>Դրամական միջոցները և դրանց համարժեքները տարեվերջի դրությամբ (ծանոթագրություն 12)</b>  | <b>35,020</b>   | <b>43,728</b> |

\* Կազմակերպությունը սկսել է կիրառել ՖՀՄՍ 16-ը 2019թ. հունվարի 1-ից՝ օգտագործելով փոփոխված հետընթաց մոտեցումը, որի համաձայն՝ համադրելի տեղկատվությունը չի վերահաշվարկվում և ՖՀՄՍ 16-ը սկզբնապես կիրառելու կուտակային հետևանքը ճանաչվում է չբաշխված շահույթում՝ սկզբնական կիրառման ամսաթվի դրությամբ (տես Ծանոթագրություն 5):

Կազմակերպությունը Վճարումներ ծառայությունների դիմաց հողվածում ներառել է փոքրարժեք և կարճաժամկետ վարձակալության գծով դրամական միջոցների վճարումները:  
 Վարձակալության գծով պարտավորությունների հիմնական մասի և տոկոսային մասի դիմաց դրամական միջոցների վճարումները դասակարգվել են որպես ֆինանսավորման գործունեություն: